

Ar Spilhenn.

Ya, gad eul lommig gwin gwenn
Bete hanter va gwerenn,
War beg eur spilhenn e rañen
Eur zon keid hag eur walenn:
Chetu va lommig gwin evet,
Chetu va zon komañset.

C'hwi oll pere a ra spilhou
Hag o renk a gouchadou;
C'hwi oll pere dre ar foariou
A ren, a werz, a bren spilhou,
Sikour! C'hoant a zo e rañen
Eur zon war beg eur spilhenn.

Pourmenit dre an oll broiou,
E pep leah eus spilhou;
Spilhou acour, spilhou arhant,
Spilhou war alhuet livet koant,
Ha spilhou braz, ha spilhou krenn,
Spilhou du, spilhou melen.

E pep ^{stad} ~~XXXX~~ hag e pep amzer
Ar spilhou zo neseser;
D'ar varkizez, d'ar rouanez,
D'ar baourez kêz artizanez,
En noz kerkoulz hag en deiz,
Er noz, er yaouanktiz.

Pa ¹ a Janedig d'an dafsou,
Raktal e klask he spilhou;
En he hoof e laka peder,
Ha teir en he mouchouer;
En he brennidenn e laka
Spilhou, spilhou heb konta.

Awechou oll labour an den
A zepant diout eur spilhen;
En ho taouarn pa vez eun drên
E karfah e lammed souden;
Gad petra e lammed an drên,
Nemed gad beg eur spilhenn?

Karget ar hornad ha tanet,
Mar stourm, chetu c'hwi nehet,
Ma ne ~~ro~~ avel ho pibenn
E chachit warnezi e ven;
Petra ~~ho~~ lammo a anken,
Nemed begig eur spilhenn?

Eur charater en eur greyenn
Pe skoliet en eur vouleyenn,
Gad petra en em sikouro
Na gad petra eh avañso
Hag e gezeg hag e foenn,
Nemed gad beg eur spilhenn?

Deah e welis eur bugel
O klask chaokad bigerniel;
"Paotrig, dell, kemer eur spilhenn
Ha goude-ze gra evellen."
Hola! eme ar paotr laouen,
Vive begig ~~XXX~~ spilhenn!

Na glaskit ket taboulinou
Da zevel paotredigou,
Na da zevel skolaerien;
Chetu amañ gwir voyen:
Plantit sioul en o ~~XXXX~~ feskenn
Begig, begig eur spilhenn.

Eun den o vond da besketa
A vo fae braz ganta
Klask eur fuzuilh pe eur zabren;
Petra ~~XXXX~~ a glasko ta va den?
Eur preffvig, pe eur gelienenn
Lakêt war beg eur spilhenn.

~~XXXXXXXXXXXXXXXXXXXXXXXXXXXX~~
~~XXXXXXXXXXXXXXXXXXXXXXXXXXXX~~

Mar chom gad an dud avizioù
O ~~Ma~~ buhez hag o madou,
A gement-se int dleourien
Aliez da veg eur spilhenn,
Ha chetu amañ ar breuvenn;
Vive begig ~~XXX~~ spilhenn!

En noz ataket ti eun den,
Kemer eur bistolenn.
Chat! Stouvet e toull an oaled!
Henn distouva eta zo red.
Biken er-meaz ne da e denn
Nemed gad beg eur spilhenn.

Eur weach m'en-deus gad eur spilhenn
Distouvet toull ar hreunenn,
En avañs hardi, hag e tenn;
Al laeron spontet en em denn.
E vuhez hag e voyen
A dle da veg eur spilhenn.

3

Evel-se ne weler archer,
Fuzilher na kanolier
N'o defe stag gad eur jadenn
Out o abijou eur spilhenn;
Hag eun arme a gant mil den
A houlenn kant mil spilhen.

An nadoz a zo demezell
Ganet a lignez uhel;
C'hoant ~~he~~-defe da lavared
Ez e kar-tost da Bourbonnet,
Ha gouskoude e rank goulenn
Sikour out beg eur spilhenn.

Al labourer, ar pinvidig,
An artizan reuzeudig,
Ar general er hombajou,
Ar roue e-penn e stadou,
E pep afer e klask pep den
Tenna begig e spilhenn.

Eur halvez a raio eur harr,
Eur hilhorou, eun alar;
Mez evid ober eur spilhenn
Ez eo kaoud tri zen;
Meur a hini a zreb bara
Ne ouzont ket an dra-ma.

Unan a dailh hed ar spilhenn,
He eeun hag he hennenn;
Gad neud lêton en-dro d'he fenn
Eun all a ra eur gurunenn;
Eun all out eur mên-higolenn
A lemm begig ar spilhenn.

Evel-se en em zivuzen
O rima war eur spilhenn;
Beg he-deus, gwir e, va spilhenn,
Mez n'e biko den birviken.
Vive eta evid biken,
Vive begig va spilhenn!
